

ANALIZA STANJA U SEKTORU OCD – a

Programom rada Gradskog vijeća za 2021. godinu planirana je Analiza stanja nevladinog sektora na području Grada Goražda.

Analiza stanja u toj oblasti na području Grada Goražda ima prepoznatljiv cilj i namjenu, prije svega to je upoznati Gradsko vijeće Grada Goražda sa problematikom i stanjem u ovoj oblasti. Urađena analiza kao takva čini cjelovit pregled stanja u toj oblasti na području grada Goražde.

Prilikom izrade Analize korišteni su službeni podaci Gradske uprave Goražda pri Službi za društvene djelatnosti, opću upravu i zajedničke poslove, te podaci dostavljeni od strane relevantnih institucija sa područja grada Goražda.

Zakonom o udruženjima i fondacijama („Službene novine FBiH“, br.45/02), u daljem tekstu: Zakon) uređuje se postupak i procedura za osnivanje, registraciju, unutrašnju organizaciju i prestanak rada udruženja koja žele da se registruju na nivou BPK Goražde. **Udruženja i fondacije upisuju se u registar u zavisnosti od područja djelovanja:**

- ❖ Na području Bosne i Hercegovine – kod Ministarstva pravde Bosne i Hercegovine, Obala Kulina Bana 1. Sarajevo
- ❖ Na području Federacije Bosne i Hercegovine – kod Federalnog Ministarstva pravde, Valtera Perića 1. Sarajevo
- ❖ Na području BPK Goražde – kod Ministarstva pravde BPK Goražde, Višegradska 2. Goražde


U Gradu Goraždu postoji tradicionalno dobra saradnja između gradskih struktura i civilnog sektora, koji su do sada realizovali brojne zajedničke projekte iz oblasti socijane zaštite osjetljivih grupa, kulture, sporta, zaštite životne sredine, sa ciljem unaprijeđenja razvoja grada i općeg društvenog prosperiteta.

Gradska uprava kroz Službu za društvene djelatnosti opću upravu i zajedničke poslove na godišnjem nivou po osnovu finansiranja i drugih vidova pomoći sarađuje sa velikim brojem udruženja. NVO imaju specifičnu ulogu u: obezbjeđenju obuke i edukacije, razvoju liderstva, zaštiti okoliša, promociji održivog razvoja, obezbjeđenju pravne podrške, edukaciji o ljudskim pravima i zaštiti prava ugroženih grupa, žena, mlađih, malim projektima podrške poljoprivredi i drugim razvojnim programima. U većini slučajeva, NVO organizacije nadopunjaju aktivnosti podrške koju pružaju institucije javne uprave ma na kom nivou.

Na području BPK Goražde registrovano je 232. udruženja od toga je 187. udruženja koja djeluju na području grada Goražda. Od toga je 49. sportskih udruženja (od kojih je najveći procenat registrovanih sportskih organizacija u fudbalu).

Oblast djelovanja	Broj OCD
Kultura/umjetnost	5
Sport/rekreacija	49
Omladinske organizacije	19
Socijalna zaštita i ljudska prava (briga o starima, djeci sa poteškoćama u razvoju i slično)	10
Briga o okolišu i zaštita životne sredine	18
Boračka udruženja	20
Osnaživanje žena i ravnopravnost spolova	9
Poljoprivreda i ruralni razvoj	9
Ostalo	48

Tabela 1. OCD o oblastima djelovanja



1.1. Grafički prikaz strukture registrovanih udruženja prema oblastima djelovanja

Vijeće mladih općine Goražde je formirano 26.05.2011. godine u skladu sa Zakonom o mladima Federacije Bosne i Hercegovine (Članovi 37, 38, 39) i sačinjavalo ga je 8 omladinskih udruženja sa područja grada Goražde:

- Udruženje mladih „Krug“ Berić – (predsjednica Edina Mudželet)
- Omladinsko volontersko udruženje „Stella magica“ Goražde – (Armin Terović)
- Udruženje mladih „Vir“ Vitkovići – (Nedim Kunovac)
- Udruženje mladih Ilovača – (Vildana Muslić)
- Udruženje mladih „Most“ Mravinjac – (Samira Muratović)
- Udruženje mladih „Grad“ Goražde – (Ernad Metaj)
- Omladinsko volontersko udruženje Sadba – (Armin Halilović)
- Udruženje mladih „Kum“ Goražde – (Arman Bešlija)

Omladinsko udruženje označava udruženje čije članstvo i organe upravljanja čine dvije trećine (2/3) mladih, čije su aktivnosti i statutarne djelatnosti većinom usmjerene na mlade, a koje se osniva, registruje, djeluje i prestaje postojati u skladu sa Zakonom o udruženjima i fondacijama (“Službene novine FBiH”, br. 45/02). Vijeće mladih označava krovno udruženje mladih, zasnovano na dobrovoljnem članstvu omladinskih udruženja, a koje predstavlja interes mladih i omladinskih udruženja, a koje se osniva, registruje, djeluje i prestaje postojati u skladu Zakonom o udruženjima i fondacijama (“Službene novine FBiH”, br. 45/02).

Kao zakonom uspostavljena struktura mladih na lokalnom nivou i s obzirom na nivo angažovanosti posljednjih godina, organi Vijeća mladih donijeli su Odluku o prestanku rada udružnja. Tako da je Vijeće mladih Općine Goražde zvanično prestalo sa radom 08.03.2021.godine.

U toku su aktivnosti na uspostavi Vijeća mladih Grada Goražda koje će kroz svoju strukturu okupiti aktivne omladinske organizacije sa područja grada Goražda.

FINANSIRANJE SEKTORA OCD – a

Gradsko vijeće Grada Goražda je na petnaestoj redovnoj sjednici koja je održana 29.11.2018. godine na prijedlog nadležne Službe donijelo Odluku o načinu odabira projekata NVO po LOD metodologiji. Finansiranje nevladinih organizacija provodi se prema javnom pozivu i definiranim kriterijima. Ono što je drugačije u odnosu na prethodnu Odluku pored izmjene kriterija jeste sastav Komisije za ocjenjivanje i odabir projekata. U skladu sa članom 7. navedene Odluke Komisiju čine: dva uposlenika Grada koja rade na poslovima saradnje sa organizacijama civilnog društva, dva predstavnika radnih tijela Gradskog vijeća koja sarađuju sa organizacijama civilnog društva i jedan predstavnik iz reda organizacija civilnog društva. Komisija za raspodjelu finansijskih sredstava za NVO razmatra pristigle prijedloge projekata, te podnosi prijedloge za finansiranje Gradonačelniku.

Projektni pristup podrazumijeva da se na javan i transparentan način raspisuje poziv svim OCD-a da, na zadatu oblast ili prioritet, dostave svoje projektne prijedloge, koji onda bivaju ocijenjeni od Komisije i, na kraju,

finansirani iz budžeta .Transparentan i konkurenčki proces odabira projekata OCD-a doprinosi pružanju boljih usluga i konkretnih rezultata.

Medutim, iako je podrška nevladinim organizacijama ovim postala transparentnija, poteškoće se ogledaju u dinamici isplate finansijskih sredstava i projektnih aktivnosti udruženja što otežava praćenje postignutih rezultata projekata.

U organizaciji Saveza općina i gradova FBiH i Grada Goražda u Velikoj sali Gradske uprave 06.02.2020. godine održana je dvodnevna edukacija za organizacije civilnog društva (OCD) i sportske klubove na temu „Upravljanje projektnim ciklusom“.

Cilj edukacije je bio pružiti predstavnicima OCD dodatna znanja o upravljanju projektnim ciklusom, kako bi mogli kvalitetno osmišljenim i napisanim projektnim prijedlozima aplicirati na javni poziv Grada Goražda, ali i na pozive drugih domaćih i međunarodnih donatora.

Registrirana udruženja i organizacije ostvaruju finansijsku podršku putem projekata sa kojima se javljaju na raspisani Javni poziv od strane resorne gradske službe, a aktivnosti pojedinih udruženja su direktno podržane gradskim budžetom kroz programske dokumente o utrošku budžetskih sredstava (Crveni križ, Merhamet, Udruženje penzionera, Udruženja koja okupljaju osjetljive kategorije stanovništva, njih osam, to su: Udruženje Civilne žrtve rata, Udruženje paraplegičara i oboljelih od dječje paralize, Udruženje slijepih i slabovidnih građana BPK Goražde, Udruženju za pomoć mentalno retardiranim osobama, Udruženje oboljelih od cerebralne dječje paralize i distrofije Goražde, Udruženje žena oboljelih od karcinoma dojke i drugih malignih oboljenja „Biser“, UŽ „SEKA“Goražde i Udruženje SEHARA.


Godina	Ukupan budžet	A+B+C	A	B	C
		Ukupna izdvajanja za OCD	Sredstva dodijeljena po javnom pozivu na projektnoj osnovi	Direktno finansiranje	Ostalo
2017	8.460,379,57	191,061,12	33.600,00	106.988,51	50.472,61
2018	8.918,783,68	294.218,41	58.610,00	119.911,66	115.696,75
2019	9.443.450,29	324.082,77	137.900,00	120.136,37	64.046,40

Tabela 2. Finansiranje OCD po godinama

Za rad nevladinih organizacija u budžetu Grada Goražda za 2020. godinu izdvojeno je **159.000,00 KM** (Ovaj iznos ne uključuju udruženja fokusirana na boračko – invalidsku zaštitu).

Za omladinska udruženja u 2020. godini izdvojeno je **20.000,00 KM**, sportska udruženja **45.000,00KM**, udruženja koja okupljaju ranjive kategorije stanovništva **32.000,00**, udruženje penzionera **19.000,00 KM**, finansiranje projekata udruženja **5.000,00 KM**, finansiranje projekata iz kulture **8.000,00 KM**, Merhamet Goražde **14.000,00 KM**, Crveni križ Goražde **16.000,00 KM**.

Gradska uprava nevladine organizacije podržava i dodjeljivanjem poslovnih prostorija po minimalnoj cijeni na korištenje, posebno kada su u pitanju organizacije koje rade sa najugroženijim kategorijama stanovništva (20 prostora dodjeljenih boračkim udruženjima, udruženjima koja okupljaju osobe sa određenim poteškoćama u psihofizičkom razvoju, socijalno i na druge načine ranjivim kategorijama stanovništva).



1.2. Grafički prikaz finansiranja NVO sektora 2019. – 2020.

OMLADINSKA BANKA GORAŽDE 2013-2020. GODINA								
Godina	Broj realizovanih projekata	Ukupna vrijednost projekata	Potrošeno MOZAIK	Potrošeno Grad Goražde	Doprinosi neformalnih grupa	Broj volontera	Broj volonterskih sati	Broj korisnika
2013	9	26.227,25	5.818,09	6.318,16	14.091,00	111	3547	6655
2014	9	29.472,09	6.594,57	8.073,82	14.803,70	67	1431	3240
2015	4	15.615,92	3.201,25	4.804,67	7.610,00	23	439	910
2016	4	11.286,98	2.918,84	4.388,14	3.980,00	58	249	2795
2017	3	8.225,98	502,60	4.723,38	3.000,00	39	880	869
2018	4	7.044,07	1.837,60	2.756,47	2.450,00	66	620	921
2019	6	12.836,68	3.194,47	4.792,21	4.850,00	226	640	798
2020	8	17.796,48	4.199,56	6.296,92	7.300,00	283	1738	836
TOTAL	47	128.505,45	28.266,98	42.153,77	58.084,70	873	9544	17024

Tabela 3. Finansiranje Omladinske banke Goražde po godinama

Omladinska Banka Goražde osnovana u novembru mjesecu 2012. godine nakon potписанog Memoranduma o razumijevanju između Fondacije Mozaik i Općine Goražde i uspješno se realizira već dugi niz godina.

Omladinska banka u BiH je najpriznatiji omladinski fond u regiji, koji mobilizira mlade ljude, daje im mogućnost da sprovedu akcije u zajednici i volonterskim radom naprave konkretne pozitivne pomake. U okviru programa "Omladinska banka Goražde", koju partnerski podržavaju Grad Goražde i Fondacija "Mozaik", u 2021. godinu potpisani su ugovori o realizaciji 11 projekata i dva mikrobiznisa koje su kreirali mladi našeg grada.

STRUKTURA ORGANIZACIJA CIVILNOG DRUŠTVA (OCD – a)


Iako u Gradu Goraždu djeluje značajan broj organizacija civilnog društva, stvarni uticaj građana na javne poslove i razvojne procese još uvijek se ne može ocijeniti zadovoljavajućim. Udruženja su pretežno strukovna i djeluju u okviru svoje interesne grupacije i populacije. Većina organizacija je usmjerena na rad sa svojim članovima, dok je veoma mali broj OCD – a koje bi sa svojim predstavnicima značajnije učestvovala u javnim poslovima i nastojale razviti svijest građana o mogućnostima i značaju učešća, kako bi i sami bili pokretači razvoja.

Uz podršku koju razvoju civilnog društva pruža Gradska uprava, neophodni su i dodatni napori za podsticanje aktivnog sudjelovanja građana u procesu donošenja odluka, unapređenje saradnje između lokalnih vlasti i sektora građanskog društva i stvaranje boljeg okruženja za građansko djelovanje, posebno onih organizacija koje se uspješno zalažu za prava najranjivijih kategorija.

Kao udruženja građana, nevladine organizacije u Goraždu prvenstveno one čija primarna djelatnost korespondira sa temom ove analize, neposredno obezbjeđuju i podržavaju, sa više ili manje uspjeha, organizovani građanski angažman koji inicira povjerenje, podstiče komunikaciju i doprinosi modelima kolektivnog djelovanja za opšte dobro lokalne zajednice tražeći konstruktivne načine interakcije svih učesnika u razvoju, što je neophodno posebno u društвima koja još osjećaju posljedice teških ratnih razaranja, kakvo je i bilo prisutno u Goraždu. Upravo su lokalne nevladine organizacije u dobroj poziciji da, ukoliko iskoriste svoje komparativne prednosti, budu aktivno i sa zapaženim rezultatima uključene u proces izgradnje i jačanja povjerenja među lokalnim stanovniшtvom s jedne strane i građana u vlast, sa druge strane, doprinoseći konstruktivnoj participaciji građana u (su)životu i progresu lokalne zajednice, a time i države.


Neke od bitnih karakteristika nevladinih organizacija su: povezanost i osluškivanje potreba lokalne zajednice, fleksibilnost i inovativnost, inkluzivne metode rada u širokom spektru pitanja, poput onih humanitarnog, obrazovnog, kulturnog, sportskog, istraživačkog, profesionalnog karaktera, zaštite ljudskih prava i izgradnje građanskog društva, vršenje stručnih analiza stanja na terenu i efikasno i pravovremeno djelovanje uz kreiranje mogućnosti interakcije sa drugim relevantnim akterima društvenog života.

U skladu s Planom rada za 2021. godinu u toku je istraživanje koje provodi Služba za društvene, djelatnosti opću pravu i zajedničke poslove, a dosadašnji rezultati su pokazali slijedeće:




1.3. Grafički prikaz podnešenih i odobrenih projekata

Empirijsko istraživanje pokazuje da samo 41% apliciranih projekata NVO bude odobreno od strane donatora što je grafički prikazano na slici 1.3.




1.4. Grafički prikaz uticaja NVO sektora na kreiranje lokalne politike

62% udruženja smatra da NVO sektor ima mali uticaj na kreiranje lokalne politike, dok njih 38% smatra da ovaj sektor ima uticaja na kreiranje lokalne politike.




1.5. Grafički prikaz saradnje s poslovnim sektorom

43% udruženja nije sarađivalo sa poslovnim sektorom a 57% je ostvarilo saradnju sa poslovnim sektorom u realizaciji različitih projekata, što je napredak u odnosu na 2018. godinu kada su rezultati pokazali da 75% udruženja nije sarađivalo sa poslovnim sektorom a 25% je ostvarilo saradnju.




1.6. Grafički prikaz međusobne saradnje udruženja

Iz grafičkog prikaza 1.6. vidljivo je da udruženja ostvaruju međusobnu saradnju na zajedničkim projektima i aktivnostima.



1.7. Grafički prikaz problema sa kojim se NVO susreću u radu


Najveći problem sa kojim se NVO-e susreću u radu 62% jeste nedostatak finansijskih sredstava, zatim nedostatak prostora za rad 25%, dok je kod 13% problem ljudskih resursa.



1.8. Grafički prikaz problema u vezi apliciranja NVO-a na javne pozive

Najčešći problem koji se javlja kada je u pitanju apliciranje NVO na javni poziv su nedostatak vlastitih sredstava za učešće 11%, politički uticaj na visinu sredstava 22%, komplikovana dokumentacija 34%, aplikacije na engleskom jeziku 11% i nema problema 22%.

SARADNJA SA GRADSKOM UPRAVOM



1.9. Grafički prikaz zadovoljstva saradnje NVO-a sa Gradskom upravom

57% udruženja su zadovoljni saradnjom sa Gradskom upravom, 29% su djelimično zadovoljni a 14% su nezadovoljni saradnjom sa Gradskom upravom.

Iz svega prethodnog vidljivo je slijedeće:

- ❖ Važeći propisi dopuštaju da neaktivne OCD nastave postojati u službenim evidencijama
- ❖ Potrebno je dodatno jačati komunikaciju i zajedničke inicijative različitih nevladinih organizacija, dalje razvijati do sada dobру saradnju i stečeno iskustvo, te iskristalizirati zahtjeve prema vladinom sektoru
- ❖ Većina NVO obuhvaćenih istraživanjem iznijeli su da su najveći problemi sa kojima se susreću u radu nedostatak finansijskih sredstava, kao u empirijskom istraživanju 2018. godine
- ❖ Da NVO sektor malo ili nimalo utiče na kreiranje lokalne politike
- ❖ Da je poboljšan pocenat saradnje NVO sektora sa poslovnim sektorom
- ❖ Da većina sarađuje sa drugim NVO-oima kroz različite oblike saradnje najčešće kroz zajedničke projekte
- ❖ Najčešći problemi sa kojima se susreću u vezi konkurisanja projekata su komplikovane aplikacije sa puno nepotrebne dokumentacije, netransparentnost te uticaj lobiranja na dodjelu sredstva, politički pritisak, kriteriji
- ❖ Neophodna pomoć je potrebna u većim finansijskim sredstvima, lobiranju kod donatora
- ❖ Saradnja sa Gradskom upravom je na zadovoljavajućem nivou
- ❖ Pojava korona virusa je itekako promijenila plan aktivnosti koje su bile zacrtane u programu rada udruženja, te su iste u većini slučajeva prolongirane i obustavljene

- ❖ Neka udruženja su pojavom korone imali izuzetno zahtjevan period jer su se povećale potrebe korisnika/ca usluga tih udruženja

MJERE ZA POBOLJŠANJE

- ❖ Jačanje kapaciteta OCD kroz jačanje PCM vještina putem treninga
- ❖ Potrebno je obezbjediti veća finansijska sredstava u Budžetu Grada Goražde
- ❖ Potrebno je dodatno jačati komunikaciju i zajedničke inicijative različitih nevladinih organizacija, dalje razvijati do sada dobru saradnju i stečeno iskustvo, te iskristalizirati zahtjeve prema vladinom sektoru

SPORT

Zakonska regulativa koja uređuje oblast sporta na nivou Bosansko-Podrinjskog kantona Goražde, odnosno na nivou Goražda kao jedinice lokalne samouprave je Zakon o sportu („Službene novine Bosansko - Podrinjskog kantona Goražde“ br.8/11 i 2/14“).

Pomenutim zakonom, sport kao djelatnost od javnog interesa za Kanton i Gradsku upravu Grada Goražda zauzima značajnu ulogu u našem društvu. Zakonom je utvrđena Strategija razvoja sporta u Kantonu koja se odnosi na period od 2014 – 2018. godine, dok nova Strategija nije usvojena.

Kroz ovu analizu će biti predstavljen broj sportskih organizacija, odnosno klubova, te sportskih objekata koji egzistiraju na nivou Kantona i Grada, kao i realizovani projekti ali i oni koji će biti implementirani u narednom periodu, a sve u cilju poboljšanja uslova, te način i izvor finansiranje istih.

Nositelji sportskih aktivnosti u Kantonu, odnosno u Gradu, su pravne i fizičke osobe, odnosno sportske organizacije i pojedinci u oblasti sporta registrovane za obavljanje sportskih aktivnosti. Registracija istih mora biti izvršena u skladu sa zakonom. Dakle, pored upisa u sudski, odnosno registar udruženja i fondacija u Ministarstvu za pravosuđe upravu i radne odnose, sportska organizacija se upisuje i u Registar sportskih pravnih osoba koje vodi Ministarstvo za obrazovanje, mlade, nauku, kulturu i sport.

U skladu sa Zakonom, svaka pravna osoba u oblasti sporta (sportska organizacija) da bi stekla pravo sudjelovanja u sportskim aktivnostima mora u roku od 6 mjeseci izvršiti preregistraciju u Registar pravnih osoba koje vodi i Ministarstvo za obrazovanje, mlade, nauku, kulturu i sport

U Kantonu, odnosno Gradu Goraždu je zastupljeno 15 različitih sportskih grana, od čega najveći procenat registrovanih sportskih grana je u fudbalu/nogometu i to većinom u muškom, dok je jedini predstavnik ženskog fudbala SFK „Libero“ Goražde.

Krovni sportski savez na nivou Kantona, je Sportski savez BPK Goražde koji je jedini ovlašten za zastupanje i predstavljanje sporta BPK Goražde u FBiH, kao i saradnju sa nadležnim sportskim i drugim

organima u FBiH i kao takav okuplja sve granske sportske saveze kako na nivou Kantona, tako i na nivou Grada, kao jedinice lokalne samouprave.

U Kantonu, odnosno Gradu, takmičarski sport ostvaruju sportske organizacije registrovane kao sportski klubovi u sklopu granskog saveza, dok ostale sportske organizacije svoje aktivnosti provode u okviru svojih matičnih organizacija. U Kantonu trenutno egzistiraju 2 granska saveza iz oblasti fudbala i to : Fudbalski savez BPK Goražde i Nogometni savez BPK-Goražde za čiju registraciju je Ministarstvo za obrazovanje, mlade, nauku, kulturu i sport dalo pozitivno mišljenje, s tim da u skladu sa Zakonom na nivou Kantona može egzistirati samo jedan fudbalski savez.


Što se tiče Gradskog nivoa, Zakonom je propisano formiranje i Sportskog saveza Grada Goražda, na čiju neophodnost i obavezu postojanja ukazuje i Ministarstvo, a sve u cilju ispunjavanja onoga što propisuje Zakon. Međutim, problem je u finansijske prirode, pa bi za registraciju i funkcionisanje istog bilo neophodno izdvojiti oko 10.000,00 KM na godišnjem nivou. Trenutno, jedini granski savez na nivou Grada Goražda, formiran početkom 2017. godine, je Fudbalski savez Općine Goražde, odnosno Grada Goražda.

Kada govorimo o samim sportskim klubovima i njihovom finansiranju to je gorući problem sa kojim se suočavaju svi sportski klubovi na nivou Kantona i Grada. Svi sportski klubovi su u obavezi plaćati kotizaciju za takmičenja granskom savezu u zavisnosti od grane sporta u rasponu od 350,00 KM - 6.000,00 KM po takmičarkoj sezoni, izuzev kada je neki od klubova u Prvoj fudbalskoj/nogometnoj ligi Federacije Bosne i Hercegovine gdje kotizacija iznosi 10.000,00 KM po takmičarskoj sezoni. Ukupni prihodi klubova su izuzetno skromni, uglavnom nedovoljni za pokretanje većeg broja aktivnosti vezanih za takmičenja i učestvovanje na njima.

Analizom je uočeno da se klubovi finansiraju iz slijedećih izvora: podrškom izvršene vlasti Grada i Kantona u najvećem obimu, podrškom kroz razne projekte Federalnog ministarstva kulture i sporta, te ministarstva Civilnih poslova u rijedim slučajevima, sponzorstvima, prihodima od članarina, te ostalim prihodima.

FINANSIRANJE SPORTA IZ BUDŽETA GRADA GORAŽDA U 2020. GODINI

Godina	Planirano budžetom ek.kod 614 122-2	Viši nivo vlasti BPK- a Goražde	Ukupno Potrošeno KM
2020.	45.000,00	80.000,00	119.246,01



Grafički prikaz utrošenih sredstava iz budžeta Grada Goražda i viših nivoa vlasti BPK-a Goražde

Kada govorimo o finansiranju sporta i sportskih organizacija na lokalnom nivou, odnosno na nivou Grada, ono se vrši iz Budžeta Grada Goražda sa ekonomskog koda namijenjenog za sport. Sredstva po ovome osnovu dodjeljuju se u skladu sa odlukom o načinu odabira projekata nevladinim / neprofitnim organizacijama po LOD metodologiji koja propisuje sadrzaj i postupak javnog poziva, kriterije i način ocjenjivanja, kao i praćenje realizacije projekata koji će se finansirati iz budžeta Grada Goražda. Kao što možemo vidjeti iz prethodne tabele, ekonomski kod za sport u 2020. godini iznosio je 45.000,00 KM dok je ukupno izvršen u iznosu 119.246,01 KM, razlika između planiranih i izvršenih sredstava nastala je uslijed učešća u projektu Vlade BPK Goražde "Pomoć sportskim klubovima za učešće u takmičenjima".

Finansiranje projekata sportskih klubova od strane Grada Goražda, vrši se u skladu sa Zakonom o sportu Kantona, a na osnovu Javnog poziva i konkursa, te potpisanih ugovora od strane Gradonačelnika. Tako se u 2020. godini na Javni poziv za finansiranje projekata za sport, kulturu, udruženja i pojedince, prijavilo 19 sportskih organizacija, od čega je njih 15 ostvarilo pravo na finansiranje, dok su 4 prijave odbijene zbog nepotpune dokumentacije.

Kada govorimo o problemima druge vrste, a koji se također tiču finansiranja, poseban problem predstavlja i dinamika uplate sportskih klubova prema preduzećima koja vrše usluge prevoza sportista na takmičenja. Također, još jedan od problema koji je uočen kroz ovu analizu je i problem smještaja, odnosno kancelarijskog prostora za sportske klubove, jer samo nekolicina klubova ima svoje prostorije za rad koje im daju pod zakup ustanove (uglavnom JU „Sportski centar“ Goražde), dok su ostali smješteni i poslove obavljaju u privatnim prostorijama. I ovdje je uočen problem dinamike uplata ili kašnjenja istih čak po nekoliko godina od strane sportskih klubova prema JU „Sportski centar“ Goražde za davanje pod zakup njihovih prostorija.

Prezentacija sportskih klubova na internetu, odnosno web stranice sportskih klubova, kao i ažuriranje istih, gotovo da uopće i ne postoji, mediji samoincijativno ne propagiraju dovoljno pojedine „male“ sportove što je dodatna otežavajuća okolnost za promociju rada pojedinih klubova u javnosti.

Ipak, i pored navednih nedostataka i problema sa kojima se klubovi susreću, zabilježen je pomak u nekim segmentima njihovog rada i dostignutih rezultata.

Također, primjer upornog rada i zalaganja, uprkos brojnim poteškoćama posebno onih finansijske prirode, je i ekipa Ženskog fudbalskog kluba „Libero“. Menadžment ovog Kluba je u fazi izgradnje novog terena sa umjetnom travom, a sve sa ciljem poboljšanja uslova za rad svojih članova.

SPORTSKI OBJEKTI - JU „SPORTSKI CENTAR“ GORAŽDE

Sportski objekti u Gradu zahtijevaju značajnija ulaganja i sistemska rješenja, jer bez odgovarajućeg prostora za igru i trening nema uspješnog razvoja sporta.

Od svih sportskih objekta u Kantonu, odnosno Gradu najveći upravitelj sportskim objektima je JU „Sportski Centar“ Goražde čiji je osnivač Grad Goražde. Sportski objekti odnosno cjeline kojima upravlja ova ustanova su:

- Gradska dvorana „Mirsad Hurić“ sa Sportskim Centrom 1. Maj
- Gradski stadion " Midhat Drljević"
- Otvorena sportska igrališta

Godine 2014., tačnije 09.07.2014. Općinsko vijeće Općine Goražde je na 19. redovnoj sjednici donijelo odluku o prestanku Javnog preduzeća „Sportsko kulturno privredni centar“ d.o.o. Goražde i osnivanju JU „Sportski centar“ Goražde („Službene novine Općine Goražde“ br. 6/14). Također u 2020 godini je potpisana Ugovor o realizaciji Projekta "Razvoj infrastrukture omladinskog nogometa/fudbala kroz širu društvenu zajednicu" između Nogometnog/Fudbalskog saveza i Grada Goražda. Izgradnja pomoćnog terena sa vještačkom travom koji je nastavljen sa realizacijom u 2021 godini.

Gradska dvorana „Mirsad Hurić“ Goražde površine od oko 3.500 m² koja je u funkciji svakim danom od 8h do 23h, s tim da radnim danom od 8h do 15,30h istu koriste srednje škole za izvođenje nastave tjelesnog i zdravstvenog odgoja (oko 1.100 učenika JU MSŠ „Enver Pozderović“ Goražde i JU STŠ „Hasib Hadžović“ Goražde jer iste nemaju školsku sportsku salu. U radnim danima Gradsku dvoranu u večernjim satima koriste sportski klubovi za izvođenje trenažnog procesa, dok istu koriste vikendom od 8h do 15,30h. Pored trenažnog procesa, u večernjim satima Dvoranu koriste sportski klubovi i za održavanje takmičenja. U Dvorani se održavaju i brojni međunarodni i memorijalni turniri u raznim sportskim granama, kao i razne kulturno – privredne i muzičke manifestacije.

Tokom ratnog perioda Gradska dvorana „Mirsad Hurić“ Goražde je pretrpjela veća oštećenja koja su sanirana u fazama i ista je dovedena u funkcionalno stanje. Iz razloga starosti objekta, velike površine, kao i velikog broja korisnika objektu je potrebno kontinuirano održavanje. Osim gradske dvorane, JU „Sportski centar“ Goražde upravlja i Sportskim centrom 1. Maj, površine od oko 50,000 m² koju sportski klubovi koriste za izvođenje treninga i odigravanja utakmica. Na glavnom fudbalskom stadionu se odigravaju utakmice fudbalskih klubova višeg ranga takmičenja. Na pomoćnim terenu se izvode treninzi fudbalskih/nogometnih škola i odigravaju utakmice Jedinstvene kantonalne lige. Dakle, ovaj sportski centar 1. maj obuhvata veliki stadion sa atletskom stazom (koji koristi Atletski klub Goražde), pratećim objektom za stručna lica i tribinama, pomoćni stadion, objekt sa svlačionicama, betonski teren za rukomet i mali nogomet sa tribinama.

Kada govorimo o finansiranju JU „Sportski Centar“ Goražde ono se vrši iz Budžeta Grada Goražda (putem mjesecnih tranši), Budžeta Kantona (putem mjesecnih tranši Sportskog saveza kantona po osnovu potписанog ugovora i naknade za korištenje dvorane od strane srednjih škola za izvođenje nastave tjelesnog i zdravstvenog odgoja na osnovu potписанog ugovora), kao i sredstava koja obezbeđuje menadžment ustanove na osnovu zakupa reklamnog prostora, zakupa poslovnih prostorija, zakupa prostora za razne manifestacije, izdavanje stonog tenisa, izdavanje sala za rekreativnu aktivnost i sl.

IZVRŠENJE BUDŽETA JU „SPORTSKI CENTAR“ GORAŽDE ZA 2020. GODINU

Vlastiti prihodi i primici JU „Sportski centar“ Goražde za 2020. godinu realizovani su u iznosu 114.932,67 KM, što je za 31.428,33 KM manje u odnosu na plan istih za 2019 godinu, dok su rashodi i kapitalni izdaci realizovani u iznosu 279.880,14 KM.

PROBLEMI U RADU JU SPORTSKI CENTAR GORAŽDE

Nažalost i u 2020.godini tokom grijne sezone suočavali su se sa problemom zagrijavanja Gradske dvorane,odnosno sa otežanim radom korisnika,a i uposlenika Sportskog centra.Početkom godine su usojeli da iz vlastitih prihoda nabave manju količinu lož ulja (oko 3,800 litara), te manju količinu iz robnih rezervi kantona.Važna napomena da je za jedan dan grijanja dvorane potrebno oko 500 litara lož ulja.Obzirom da gradska dvorana radi svakim danom izuzev praznika,za adekvatno zagrijavanje potrebno je oko 90.000 litara lož ulja.Prema trenutnoj cjeni lož ulja potrebno je obezbjediti oko 130.000,00 KM za grijnu sezonu.Obzirom da su najveći korisnici Gradske dvorane sportski klubovi, te učenici dvije srednje škole koji održavaju časove tjelesnog odgoja,a koji su u nadležnosti Ministarstva za obrazovanje,mlade,nauku,kulturu i sport BPK Goražde,a koji na ime zakupa za pomenute korisnike isplaćuju u prosjeku oko 85.000,00 KM sa PDV-om godišnje,teško je očekivati i minimalno zagrijavanje gradske dvorane.

1. Problematika zbog neredovnosti uplata mjesecnih tranši iz kantonalnog budžeta za sportske klubove i dvije srednje škole.

Pandemija Covida-19 je značajno uticala na poslovanje Sportskog centra u 2020 godini.Zbog naredbi Kriznih štabova Federacije BiH i BPK Goražde obustavljene su sve aktivnosti sportskih klubova i održavanje nastave TiZO-a za dvije srednje škole.Naročito je to bilo izraženo od sredine marta do početka juna.Zbog nestabilne situacije do kraja 2020 godine nije dozvoljeno održavanje nastave TiZO-a,a i klubovi su prilagodili svoje aktivnosti novonastaloj situaciji.Iz navedenih razloga Vlada BPK Goražde je donijela odluku da se

umanje finansijska sredstva za Sportski centar sa planiranih 65.000,00 KM na 55.000,00 KM na godišnjem nivou,odnosno smanjenje za 10.000,00 KM.Obzirom da nije bilo održavanja nastave tjelesnog odgoja,Sportski centar nije mogao izdavati fakture školama,što je uzrokovalo da su prihodi po ovom osnovu u odnosu na 2019 godinu manji za oko 17.000,00 KM.Zbog zabrane održavanja manifestacija ("Dani jabuke" i dr.),kao i zabrane korištenja objekata za rekreativce,po tom osnovu su u odnosu na 2020. godinu prihodi manji za oko 5.000,00 KM.Uporednom analizom ostvarenih prihoda u 2019 godini sa ostvarenim prihodima u 2020.godini može se konstatovati da su isti manji za oko 32.000,00 KM.

2. Neredovnost plaćanja zakupa kancelarijskog prostora u Gradskoj dvorani od strane pojedinih sportskih klubova.

Problematika sa plaćanjem zakupa kancelarijskih prostora od strane pojedinih sportskih klubova bila je prisutna i u 2020 godini.

Menadžment i uposlenici JU „Sportski centar“ Goražde i pored različitih problema sa kojima se susreću učinili su sve što je u njihovoј moći da adekvatno odgovore svim potrebama svojih korisnika, odnosno da opravdaju ulogu koju imaju u društvu.

KULTURA

Kultura je sveobuhvatna društvena činjenica i kao takva, nosilac ukupnog društvenog razvoja, s jedne strane, i istovremeno ona je autonomija koja ima i svoju unutrašnju logiku razvoja, s druge strane. Djelatnost kulture u Bosansko – podrinjskom kantonu Goražde uređena je Zakonom o kulturi Bosansko – podrinjskog kantona Goražde (“Službene novine Bosansko-podrinjskog kantona Goražde”, broj: 7/04), koji je stupio na snagu 16. juna 2004. godine.

Djelatnost tehničke kulture u Bosansko – podrinjskom kantonu Goražde uređena je Zakonom o tehničkoj kulturi Bosansko – podrinjskog kantona Goražde (“Službene novine Bosansko-podrinjskog kantona Goražde”, broj: 3/05), koji je stupio na snagu 30. marta 2005. godine. Na djelatnost tehničke kulture na odgovarajući način primjenjuju se i drugi zakoni, posebno oni koji uređuju pitanja udruženja, djelatnosti obrazovanja, djelatnosti sporta, naučno – istraživačkoj djelatnosti te propisi iz sistema organa uprave, građenja, finansija i zdravstva.


Pored ova 2 gore pomenuta zakona, u narednoj 2018-toj godini su planirane aktivnosti po strateškom cilju Kantona, na izradi još nekih zakona i to:

- ❖ Zakon o kulturnom dobru na području Kantona
- ❖ Zakon o zaštiti kulturno historijskog naslijeđa BPK- a Goražde
- ❖ Zakon o bibliotečkoj djelatnosti, s tim da ovaj zakon nije planiran za realizaciju

Način finansiranja udruženja je uglavnom sa ekonomskog koda namijenjenog za kulturu i to uglavnom preko projekata koje ova udruženja realizuju na osnovu raspisanih Javnih poziva Gradske uprave Grada Goražda.

FINANSIRANJE KULTURE IZ BUDŽETA GRADA GORAŽDA U 2020. GODINI

Godina	Planirano budžetom ek.kod 614 121-3/ KM	Ukupno Potrošeno KM
2020.	8.000,00	6.378,00



Grafički prikaz utrošenih sredstva planirano budžetom ek.kod 614121-3 KM

Kada govorimo o finansiranju projekata koji su realizovani u prethodne dvije godine, a koji se odnose na kulturu, njih je bilo nešto u manjem obimu, a uglavnom zbog nedovoljnog broja udruženja koja se bave kulturom. U 2020. godini na Javni poziv za finansiranje projekata za sport, kulturu, udruženja i pojedince, prijavila su se 5 udruženja koja se bave promovisanjem kulture, od čega su 2 udruženja ostvarila pravo na finasiranje,a 3 su odbijena jer nisu u skladu sa definisanim prioritetskim oblastima iz javnog poziva.

Neophodno je, s jedne strane, raditi mnogo više na podizanju svijesti o kulturi, te podsticati udruženja građana u oblasti kulture na veću angažovanost, a s druge strane, ono možda još bitnije, izdvajati više finansijskih sredstava od strane nadležnih institucija, kako bi se ova grana podigla na viši nivo i zauzela ono mjesto koje joj pripada u društvu.

JU „CENTAR ZA KULTURU“ GORAŽDE

JU “Centar za kulturu” Goražde postoji od 1957. godine. Svrha osnivanja jedne ovakve institucije jeste registracija aktivnosti iz oblasti kulture, cijeloživotnog učenja, javnog informisanja, izdavaštva, rada biblioteke, muzeološke djelatnosti, istraživačke djelatnosti, djelatnosti za kulturne priredbe, ugostiteljstva (restoran i bar), te drugih zakonom utvrđenih poslova i sl.

Aktivnosti i djelovanje JU “Centar za kulturu” Goražde od velikog su značaja za lokalnu zajednicu i šire. Osnovana je kao Centar koji će promovisati, graditi i njegovati kulturu našeg društva.

Cilj osnivanja JU “Centar za kulturu” Goražde jeste da djeluje na razvoju civilnog društva, te da aktivno djeluje na lokalnoj, nacionalnoj i međunarodnoj razini s namjerom istraživanja potreba zajednice i educiranja građana kroz različite programe neformalnog obrazovanja, te stvaranja pozitivnih navika kod svih kategorija građana u smislu aktivnog odnosa prema društvu.

Centar za kulturu nalazi se na parceli od 10.000,00 m² sa oko 3.000 m² unutrašnjeg prostora, posjeduje Veliku i Malu salu, kao i salu Doma mladih. Određena površina Centra (poslovne prostorije) iznajmljuju se drugim pravnim licima.

Djelatnosti JU “Centar za kulturu” Goražde određeni su članom 12. Pravila. Naznačajnije djelatnosti JU “Centar za kulturu” Goražde koje se odvijaju kroz 7 (sedam) organizacionih cjelina su:

- Djelatnost objekta za kulturne priredbe,
- Umjetničko i književno stvaralaštvo i scensko izvođenje /reproducativna umjetnost/,
- Prikazivanje filmova,
- Djelatnost biblioteka, /Narodna biblioteka/
- Djelatnost sajmova i zabavnih parkova,
- Obrazovanje odraslih koje nije definisano stepenom obrazovanja,
- Izdavanje novina,
- Izdavanje knjiga,
- Djelatnost muzeja-muzeoloških poslova/prikupljanje, obrada, čuvanje, prezentacija, istraživanje i drugi poslovi,
- Marketing/reklama i propaganda/ i druge aktivnosti.

U JU “Centar za kulturu” Goražde postoje sektori za:

- Kulturno-umjetničku i zabavnu djelatnost,
- Narodna biblioteka,
- Muzička produkcija,
- Dom mladih,
- Ansambl sa orkestrom Narodnih igara i pjesama CzK,
- Sekcija za očuvanje tradicije i običaja,
- Obrazovanje odraslih ili Sistem cijeloživotnog učenja, kao i
- Druge odgovarajuće potrebne aktivnosti prema jedinstvenoj klasifikaciji djelatnosti Centra za kulturu.

1. KULTURNO-UMJETNIČKI I ZABAVNI PROGRAMI

JU Centar za kulturu je tokom cijele 2020.godine radila u otežanima uslovima izazavanim virusom Covid 19 koji je pogodio cijeli svijet, pa tako i BiH, i slobodno možemo reći da su ustanove iz oblasti kulture, Centri i Domovi kulture najviše pogodjeni i onesposobljeni za rad.

Ipak poštujući sve preporučene i propisane mjere od strane Federalnog i Kantonalnog kriznog štaba dio tradicionalnih manifestacija uspjeli smo realizovati. Nažalost naših sugrađana ljubitelja naročito pozorišne umjetnosti, književne, filmske umjetnosti, zatim posebno muzičke manifestacije koje su bile planirane i dogovorene morali smo otkazati zbog pomenutog virusa.

- **15.01.2020.**Počela tradicionalna manifestacija, šesnaesta po redu „**Dani Isaka Samokovlije-Sunce nad Drinom“ Goražde – Sarajevo – Fojnica 2020.**
- **16.01.2020.**Održana pozorišna predstava „**Onomatobleja show**“ OKC „Abrašević“ Mostar.
- **06.02.2020.**Pozorišna predstava „**Taksimetar**“ u izvedbi Irfana Ribića i Adema Smailhodžića.
- **08.03.2020.**Promocija knjige „Ne daju mi oči da šutim“ autora Šemsudina Gegića
- **01.08.2020.**Simbolično obilježen-održan 23. Internacionalni „**Festival prijateljstva**“ Goražde 2020. otvaranjem izložbe u Gradskoj Art galeriji, izložba djela nastalih na Internacionalnoj likovnoj koloniji /ILK „Boje prijateljstva“ Goražde 2019., zatim u Zavičajnom muzeju JU Centar za kulturu pod nazivom „**Goražde u prošlosti**“ otvorena je izložba gdje je prikazan dio arheološke zbirke.
- **16.09.- 20.09.2020.**VI po redu Viva Film Festival, koji se održava u 17 BH gradova. Prikazani filmovi su iz 23 zemlje svijeta, kratkometražni su i iz četiri oblasti: religija, turizam, ekologija i omladinski film.
- **17.09.2020.**U okviru programa obilježavanja 18.septembra Dana Bosansko-podrinjskog kantona i Grada Goražda odražna promocija knjige „**Savremene političko-geografske karakteristike BiH**“ autora dr. Izeta Bijedića.
- **25.09.2020.**Održan Filmski karavan u saradnji sa Francuskim institutom BiH i Geothe institutom, prikazani filmovi „**Fack Ju Gothe**“ i „**Damijan želi promjeniti svijet**“
- **02.10.- 06.10.2020.**JU Centar za kulturu u saradnji sa Word Vision i Volonterskim servisom mladih organizovao projekcije crtanih i animiranih filmova za djecu: „**Tabulaga**“, „**Playmoble**“, „**Ring, ringe, raja**“.
- **28.10.2020.**Održana pozorišna predstava „**Onomatobleja talk show**“ „OKC „Abrašević“ Mostar, uz poštivanje svih propisanih epidemioloških mera.
- **24.12.2020.**Održan tradicionalni Dječiji internacionalni festival „**Šta se pjesmom sanja**“ dvadesetprvi po redu , na nešto drugačiji način , odnosno on line poštujući sve propisane mјere. Izvedeno je 14 novih dječijih pjesama, autori su iz Srbije i Bosne i Hercegovine, djeca izvođači su iz Goražda, tako je festival zadržao prefisk internacionalni.
- Održana 24. po redu manifestacija „**Drinske večeri dječije poezije**“ , sa promocijom nove zbirke pjesama učeničkih radova pod nazivom „**Drugarstvo je naša najveća moć**“ za učenike od I do V, i „**Lijepo je ime mog rodnog mjesta**“ za učenike od VI do IX razreda.

2. NARODNA BIBLIOTEKA

Biblioteka JU“Centar za kulturu“ Goražde u protekloj 2019. godini svoje planirane zadatke iz godišnje predviđenog plana i programa svoga rada nastojala je izvršiti u zadatom roku i u skladu sa finansijskim mogućnostima. Urađena je revizija knjižnog fonda koja je trajala skoro tri mjeseca (dječja biblioteka) sa ukupnim fondom od 12.156 komada bibliotečkih jedinica, revizija na odjelu za odrasle ponovo se radi, a za koju je zadužena Komisija koju je formirao direktor ustanove u cilju kako bi se uskladilo knjigovodstveno stanje sa stvarnim stanjem Biblioteke.

Fond Biblioteke je u 2019.godini sa najvećim brojem povećan zahvaljujući Fondaciji za izdavačku djelatnost koja svakake godine putem svoje Odluke naloži Fondaciji za bibliotečku djelatnost da distribura određeni fond knjiga prema svim Bibliotekama na području Federacije BiH.

3. ZAVIČAJNI MUZEJ

U 2019. godini otkupljena je privatna zbirka gosp. Miralema Bećarevića koja sadrži predmete različite provenijencije od predistorije do novijeg doba. Muzeju je darovano 14 predmeta (predmeti vezani za period 1992 - 1995), te predmeti koji se mogu protumačiti kao naslijede predmeta iz osmanskog perioda. Kontinuirano se provodi preventivna zaštita. Predmeti se zaštićuju bezkiselinskom folijom ili papirom. Neki od predmeta koji su kritičnom stanju izlagani su i mehaničkom čišćenju, te se nastojalo zaustaviti dalje

propadanje. Restaururano – očišćeno 5 kamenih sjekira koje sa lokaliteta Jagnilo, koje prema tipološkim odlikama pripadaju vinčanskoj kulturi.

4. IZLOŽBENA DJELATNOST

U okviru Internacionalnog Festivala prijateljstva postavljen je dio buduće stalne postavke „Goražde i okolina u prošlosti“ – do početka Osmanske uprave na prostoru Podrinja.

5. EDUKATIVNA DJELATNOST

U Zavičajnom muzeju Goražda održana je 21.2.2019. godine radionica za buduće mlađe poduzetnike/ice. Radionica "Made of BiH" imala je za cilj mlađima Goražda i njegove okoline predstaviti uspješne biznise i poduzetničke ideje inspirisane kulturnom baštinom BiH. Na radionici je predstavljen rad Zavičajnog muzeja Goražda i budući planovi ove institucije na očuvanju i promociji vrijednog naslijeđa. Radionica je dio projekta "Mladi u zanatima", kojeg realizuju BHcrafts, CHwB BiH i Pravo Ljudski film festival. Finansiranje projekta je obezbijedila Vlada Sjedinjenih Američkih Država. Tokom mjeseca marta u Zavičajnom muzeju Goražde provedeno je dokumentiranje, sortiranje i preventivna zaštita zbirke koja će biti dio stalne arheološke postavke " Goražde od najstarijih vremena"

Na ovim poslovima stručnu pomoć pružili su Jasmina Ferhatović - arheolog, Iman Gec - rastaurator i konzervator, Maida Garić, restaurator i konzervator

U Zavičajnom muzeju Goražda od 8. do 13. aprila 2019. godine održan je specijalno dizajniran program za osobe koje rade u muzejima i sa muzejima - Muzejski LAB. Cilj ovog programa bio je da učesnicima/ama kroz predavanja i praktični rad ponudi dodatna znanja iz muzejske pedagogije, edukacije, preventivne konzervacije, komunikacije, interpretacije i grafičkog dizajna. Muzejski LAB dio je projekta „Zavičajni muzej Goražda – muzej zajednice“, kojeg podržava Headley Trust iz Velike Britanije.

Radionice i igraonice

- Treći put u organizaciji Zavičajnog muzeja Goražde održana je Evropska noć istraživača. Goražde je slavilo nauku zajedno sa preko 300 evropskih gradova, a u Bosni i Hercegovini ova grad se pridružio Sarajevu, Banja Luci, Mostaru, Bijeljini, Tuzli, Zenici, Konjicu, Brčkom i Trebinju. Sloganom "Let's STEAM! Kreirajmo nove prilike zajedno!" promovisani su kreativnost u nauci i inovativan pristup u obrazovanju, skraćeno nazvan STEAM.
- Trenutna stalna postavka imala je oko 1500 posjeta, prvenstveno su to bile organizovane posjete razreda osnovnih i srednjih škola sa prostora BPK – Goražde i FBIH, posebno možemo izdvojiti i posjetu oko 100 učenika zajedno sa nastavnicima iz Živinica, te posjetu veterana britanskog bataljona koji su u Goraždu boravili u mirovnoj misiji tokom opsade Goražda u prošlom ratu.

4. MUZIČKA PRODUKCIJA

Muzička produkcija Centra za kulturu u saradnji sa službom za Kulturno-umjetničku i zabavnu djelatnost u 2019.godini zajednički je realizovala niz značajnih manifestacija.

- „Dani Isaka Samokovlige-Sunce nad Drinom“ – januar - tehnička podrška
- „Djeca pjevaju sevdalinke“ – apri. Manifestacija je veoma značajna, jer okuplja veliki broj djece, postiće ih na druženje, jača njihov interes za muziku, jača takmičarski duh kod istih i na najneposredniji način razvija kod najmlađih muzičku kulturu i umjetnost.
- Ramazanski koncert - maj,
- Bajramski koncert - juli,

- Podrška /razglas, rasvjeta itd./ Internacionalnog „Festivala prijateljstva“ Goražde 2019.- juni-juli-avgust,
- „Dan oslobođenja Goražda“ – septembar - tehnička i druga podrška
- „Dani jabuke“ – decembar- tehnička podrška
- Djeca pjevaju hitove zabavne muzike „ZLATNA NOTA“ – decembar.
- Dječiji festival „Šta se pjesmom sanja“ – decembar – tehnička podrška
- Organizacija i realizacija Koncerta posvećenog Radu Jovanoviću - decembar.
- Zahvaljujući manifestacijama: „Djeca pjevaju sevdalinke, „Djeca pjevaju hitove zabavne muzike“, „Zlatna nota“ i Dječijem festivalu „Šta se pjesmom sanja“ došli smo na ideju osnivanja hora Centra za kulturu koji broji 12 članova. Tokom protekle godine Hor Centra za kulturu zajedno sa Ansambalom narodnih igara i pjesama putovali su na turneju u Tursku /Ankara, Adapazar, Istanbul/ i učestvovali na manifestacijama koje organizuje Centar za kulturu kao što su: „Ramazanski koncert“, „Bajramske koncert“, Koncert posvećen Radu Jovanoviću kao i na Internacionalnom „Festivalu prijateljstva“.
- Aktivnosti Muzičke produkcije kod ovih manifestacija je raspisivanje Javnog poziva za takmičenje, upis potencijalnih kandidata, aktivnosti pred audiciju, proba sa orkestrom i izvođačima, izrada scenografije, dekoracija sale, učestovanje u programu, tehnička podrška i sve druge potrebne aktivnosti.
- Uposlenici Muzičke produkcije su realizovali i druge značajne kulturne aktivnosti, posebno kada je u pitanju prikazivanje filmova, obezbjedenje tehničke podrške razglosa, organizacija koncerata i drugih značajnih aktivnosti.

5. ANSAMBL NARODNIH IGARA I PJEZAMA CENTRA ZA KULTURU

- Kao i svih ovih godina, Ansambl narodnih igara i pjesama okuplja veliki broj ljudi, različitih profesija i zanimanja, koji kroz razne programe i kulturno-umjetničke sadržaje upotpunjaju svoj kulturni život.
- Pruža osnovne kulturne i rekreativne aktivnosti koje predstavljaju pozitivan, ali i aktivni terapeutski metod za suzbijanje svih negativnih posljedica i doprinosi razvoju zdrave ličnosti i društva. Ansambl svoje aktivnosti odvija i u svrhu njegovanja i očuvanja bogatog izvornog i stilizovanog folklora i izvorne narodne pjesme.
- Ansambl je formiran i radi na dobrovoljnoj bazi u cilju njegovanja i razvoja kulture u BPK Goražde, BiH i regiji. Ansambl djeluje u okviru JU Centar za kulturu Goražde i razvija bogatu aktivnost zajedništva i prijateljstva od najmlađih članova pionira-osnovaca, srednjoškolaca, studenata i drugih kategorija stanovništva.

6. NOVINA „GLAS GORAŽDA“

Redakcija novine „Glas Goražda“ u 2020. godini pripremila je za štampu 12 brojeva koliko je i izašlo iz štampe. Novinari „Glasa Goražda“ redovno su, tokom 2020. godine pratili zbivanja u Gradu Goraždu i BPK Goražde, a novine donosile napise o aktivnostima zakonodavne i izvršne vlasti, službi, javnih preduzeća i ustanova, privrednih subjekata u općini Goražde i Kantonu, aktivnostima udruženja, sportskim takmičenjima.

VJERSKE ZAJEDNICE


Zakonom o slobodi vjere i pravnom položaju crkava i vjerskih zajednica u Bosni i Hercegovini („Službeni glasnik BiH“ br.5/04) i Uputstvom o provođenju Zakona o slobodi vjere i pravnom položaju crkava i vjerskih zajednica u Bosni i Hercegovini („Službeni glasnik BiH“ 83/04) se uređuje jedinstveni pravni okvir u kojem

će sve crkve i vjerske zajednice u Bosni i Hercegovini djelovati i biti izjednačene u pravima i obvezama bez ikakve diskriminacije, poštujući vlastita naslijeda i tradicionalne vrijednosti tolerancije i suživota prisutnih u viševjerskom karakteru Bosne i Hercegovine.

Odlukom o izvršenju budžeta Grada Goražda, Gradonačelnik na prijedlog Službe za društvene djelatnosti, opću upravu i zajedničke poslove definiše Programe finansiranja projekata vjerskih zajednica i programe pojedinaca koja se bave unapređenjem odnosa i daju garanciju vjerskih sloboda i jednakosti u pravima i obvezama. Nakon odabira korisnika ovog ekonomskog koda (tekući transferi vjerskim zajednicama), Službi za finansije, trezor i privredu, se dostavlja Mišljenje ili Zaključak, koji se u skladu sa prilivom sredstava u Budžetu i realizuje. Interventna sredstva se dodjeljuju na osnovu Mišljenja Službe za društvene djelatnosti, opću upravu i zajedničke poslove, koje ista donosi na osnovu podnesenog zahtjeva.

FINANSIRANJE VJERSKIH ZAJEDNICA IZ BUDŽETA GRADA GORAŽDA 2020. godina gRAFIČKI PRIKAZ

Godina	Planirano budžetom ek.kod 614319/ KM	Ukupno Potrošeno KM
2020.	25.000,00	21.565,03



Grafički prikaz sredstava planiranih Budžetom Grada Goražda na ekonomskom kodu 614319

